

Kloster Fahr: Gebet am Donnerstag / oraziun dalla gievgia – Romontsch sursilvan

«Pass per pass»

Diu, ti nies bab e nossa mumma, nus tuts savein, co ei stat cun nossa baselgia. Malgiustia ei capitada e capeta, pussonza ei vegnida e vegn malduvrada. „Mo denter vus duei ei buc esser aschia“, ha Jesus detg.

Nus rughein tei per tia misericordia.

Kyrie eleison.

Dunnas ed umens ein entras il batten commembers equals e cumpleins dalla baselgia. Da cuminonza en tuts survetschs ed uffecis, san els contribuir ad ina baselgia che va renovada viers il futur.

Nus rughein tei per forza e fidonza.

Kyrie eleison.

Carstgauns vegnan cun lur desideri per pasch, cuminonza e relaziun tier Diu ed in tier l'auter. Ina baselgia verdeivla ei aviarta per carstgauns, independent dalla derivonza, dalla naziun, dall'orientaziun sexuala. Ella ei cheu per carstgauns cun in plan da veta cha ha fatg naufragi e retscheiva els cun lur rupturas e sviaments. Ella giudichescha e condannescha buc, mobein ha fidonza che la forza spirtala agescha era leu, nua ch'igl ei nunpusseivel tenor la mesira humana.

Nus rughein tei per forza e fidonza.

Kyrie eleison.

En quest temps, nua che tema e restricziuns bloccheschan ed il futur para stgirs, drov'ei gronda confidonza per saver mirar cun speranza anavon. Ei basegna confidonza che grazia a novas vias e midadas rigurusas po vegnir schaffiu dapli dil bien che tras restar el stan actual.

Nus rughein tei per forza e fidonza.

Kyrie eleison.

Diu, ti nossa mumma e nies bab, sefidond che ti seigies cun nus sin via, cuntinuein nus cun ed en la baselgia; en la tradiziun da tuttas dunnas ed umens, che han viviu ed agiu avon nus ord il fiug dalla forza dil Spért, che han cartiu e viviu avon e per nus. Sontga Scholastica ei sefidada silla forza dall'oraziun. En siu senn vulein nus s'avanzar pass per pass, urar ed agir sco ella ha fatg ei: „Mei, soras e frars, sco vus pudeis!“

Pertgira nus. Seigies cun nus tuts dis ed entochen la fin dil mund. Perquei rughein nus ussa ed en perpeten. Amen.

ed en perpeten. Amen.